

## يارض الفجايح والحزن ردي لي جواب شالي جنت زينب كريمة داحي الباب

يا كربلا شعدج على زينب واهلها  
لا حسين بقيتي ولا خوها الكفلها  
خذتي حبايبها او فرقتي شملها  
چنچ قضيتي ديونچ وصفيتي لحساب

چنچ أميره معززه يدلها عباس  
يحيدي بهودجها حليف الغيره والباس  
يحرصها خوفه تقول هذي زينب الناس  
ربة جبل چيف اصبحت في ولية اجناب

بنت الخدر من دار بارينا مدحها  
ما حد لمح ظلها ولا شاهد شبحها  
بنت الحسب والصون هيچتي جرحها  
يوم اطلعت منچ سبييه ويه الاغراب

عافت أخوها حسين فوق الغبره مذبوح  
مسجى على الرمضا يصب دمه المسفوح  
نحره امهبر والجسد دامي بلا روح  
أطراف جسمه موزعه ظلت بالتراب

ابن امها هذا حسين چنچ ما عرفتيه  
بالغاضريه بلا قبر مرمي تركتيه  
ياريت لاخته والحرم وايتامه عفتيه  
سالم يرد بيهم لطيبه ملفى الاحباب